



Reykjavíkurborg

Borgarstjórnin í Reykjavík

Reykjavík, 4. júní 2019

R19050217

4400

Borgarráð

Barnaskóli Hjallastefnunnar- leyfi fyrir skólastarfi á miðstigi frá og með skólaárinu 2019-2020

Lagt er til að Hjallastefnunni Grunnskólum ehf. verði heimilað að hefja kennslu í 5. bekk við Barnaskóla Hjallastefnunnar í Reykjavík frá og með skólaárinu 2019 – 2020. Þar sem þjónustusamningur Reykjavíkurborgar og skólans miðar við að heimilt sé að greiða framlag vegna 60 reykvískra nemenda umfram þann fjölda sem greitt var framlag vegna á yfirstandandi skólaári er lagt til að ekki verði gerðar breytingar á þjónustusamningi hvað varðar hámarksfjölda reykvískra nemenda við skólann sem heimilt er að greiða framlag vegna. Það er skilyrði að skólahúsnæðið uppfylli skilyrði 20. gr., sbr. 43. gr. d. laga um grunnskóla nr. 91/2008, sbr. einnig reglugerð nr. 657/2009, um gerð og búnað grunnskólahúsnæðis og skólalóða, með síðari breytingum. Fyrirvari er gerður um að Menntamálastofnun staðfesti fjölgun árganga og þjónustusamning skólans við Reykjavíkurborg.

Dagur B. Eggertsson

Hjálagt:

Umsókn um leyfi fyrir skólastarfi á miðstigi við Barnaskóla Hjallastefnunnar í Reykjavík, dags. 22. febrúar 2019.

Yfirlýsing skólaráðs Barnaskóla Hjallastefnunnar, dags. 30. apríl 2019.

Minnisblað sviðsstjóra skóla- og frístundasviðs varðandi umsókn um leyfi fyrir skólastarfi á miðstigi, 5. bekk, við Barnaskóla Hjallastefnunnar í Reykjavík, dags. 4. júní 2019.

Umsögn fjármála- og áhættustýringarsviðs, dags. 3. júní 2019.

Þjónustusamningur skóla- og frístundasviðs og Barnaskóla Hjallastefnunnar í Reykjavík, dags. 13. maí 2019.



Hjallastefnan

Skóla- og frístundaráð

Borgartúni 12-14
105 Reykjavík

Reykjavík 22. febrúar 2019

Erindi: Umsókn um leyfi fyrir skólastarfi á miðstigi við Barnaskóla Hjallastefnunnar í Reykjavík.

Barnaskóli Hjallastefnunnar blómstrar nú á sínu 10. starfsári á Nauthólsveginum í Reykjavík. Á undanförunum árum höfum við tekið mörg heillavænleg skref í þróun skólastarfs fyrir 5 ára börn og börn á yngsta stigi grunnskóla, með þroska þeirra, vellíðan og námsárangur að leiðarljósi. Nú óskum við eftir heimild frá borgaryfirvöldum til að opna miðstig og hefja skólastarf í 5. bekk haustið 2019. Það er einlæg ósk foreldrahópsins í skólanum sem og barnanna sem nú eru í 4. bekk.

Rekstur Barnaskólans er í traustu horfi, skólaþróunarverkefni ganga vel s.s. frábært listastarf, lestrar- og stærðfræðikennsla ber með sér.


Nám barnanna sem hefja grunnskólagöngu sína í Barnaskóla Hjallastefnunnar er um margt sérstakt og ýmislegt til vitnis um að hér sé lagður góður grunnur til framtíðar. Meðalárangur barnanna á samræmdum prófum í 4. bekk hefur jafnan verið yfir meðallagi á höfuðborgarsvæðinu undanfarin ár, sérstaklega í stærðfræði.¹ Dýrmætast er þó að í árlegum könnunum okkar kemur ánægja foreldra skýrt fram. Í könnun í nóvember sl. kom fram að 95% foreldra telja börnum sínum líða vel í skólanum og 98% eru ánægðir með hvernig skólinn kemur til móts við þarfir barnanna.

Á vef Reykjavíkurborgar er ný menntastefna borgarinnar birt. Þar segir:

Meginmarkmið stefnunnar er að öll börn vaxi, dafni og uni sér saman í lýðræðislegu samfélagi sem einkennist af mannréttindum og virðingu fyrir fjölbreytileika mannlífs. Unnið verður að því að öll börn hafi sterka sjálfsmynd, trú á eigin getu og nái árangri. Börnin lesi sér til gagns og gamans, afli sér þekkingar og öðlist skilning á samfélagi og náttúru. Þau sýni frumkvæði, skapandi og gagnrýna hugsun og tileinki sér heilbrigðan lífsstíl.²

Meginmarkmið Barnaskóla Hjallastefnunnar eru í sama anda og byggja á sama grunni Barnasáttmála Sameinuðu þjóðanna. Því vonum við innilega að Reykjavíkurborg heimili að við getum látið drauma okkar, barna og foreldra, rætast. Við óskum eftir heimild borgaryfirvalda til skólastarfs á miðstigi grunnskóla og stuðningi við þá ósk að hefja það starf á komandi hausti.

Bestu kveðjur,



¹ <https://www.hjalli.is/rannsoekni/>

² <https://reykjavik.is/latum-draumana-raetast-menntastefna-til-2030>





Hjallastefnan

+354 555 7020
hjallastefnan@hjalli.is
hjalli.is





Hjallastefnan

Miðstig í Barnaskóla Reykjavíkur

Skólaráð Barnaskólans í Reykjavík styður ákvörðun skólastjóra og framkvæmdastjóra Hjallastefnunnar heilshugar að hefja miðstig við skólann haustið 2019.

Skólaráð hefur meðtekið allar upplýsingar varðandi fyrirhugað miðstig og metur það svo að miðstigið styrki skólann og geri hann enn öflugri.

Bestu kveðjur

Reykjavík 30. apríl 2019

Auður Þórunn Rögnvaldsdóttir

Eyrún Eggertsdóttir

Ingibjörg Rósa Harðarsdóttir

Linda Björk Sigmundsdóttir

Magnea Snorradóttir

Unnur María Guðmundsdóttir

+354 555 7020

hjallastefnan@hjalli.is

hjalli.is





MINNISBLAÐ

Viðtakandi: Borgarráð

Sendandi: Helgi Grímsson, sviðsstjóri skóla- og frístundasviðs

Efni: *Varðandi umsókn um leyfi fyrir skólastarfi á miðstigi, 5. bekk, við Barnaskóla Hjallastefnunnar í Reykjavík*

I Umsókn Hjallastefnunnar Grunnskóla ehf

Skóla- og frístundasvið hefur haft til meðferðar umsókn Hjallastefnunnar Grunnskóla ehf. um leyfi til að bæta miðstigi við Barnaskóla Hjallastefnunnar í Reykjavík og hefja kennslu í 5. bekk frá og með næsta skólaári, 2019 - 2020. Ráðgert er að kennsla miðstigs fari fram í núverandi húsnæði skólans að Nauthólsvegi 87, Reykjavík.

Í umsókn Hjallastefnunnar Grunnskóla ehf. kemur fram að ástæða þess að sótt er um leyfi til að hefja kennslu í 5. bekk við skólann frá og með skólaárinu 2019 – 2020 sé mikill áhugi foreldra á því að börn þeirra haldi áfram námi við skólann að loknum 4. bekk og að það sé vilji aðstandenda skólans að þróa skólastarf fyrir nemendur á miðstigi grunnskóla með þroska þeirra, vellíðan og námsárangur að leiðarljósi. Í umsókninni kemur fram að rekstur skólans sé í traustu horfi og skólaþróun gangi vel, sem frábært listastarf, lestrar- og stærðfræðikennsla beri með sér. Jafnframt er þess getið að námsárangur sé góður, meðalárangur á samræmdum prófum í 4. bekk hafi jafnan verið yfir meðallagi og ánægja foreldra komi skýrt fram í könnunum.

Skóla- og frístundasviði hafa borist gögn og upplýsingar frá Hjallastefnunni Grunnskólar ehf til samræmis við reglugerð nr. 1150/2018, um sjálfstætt rekna grunnskóla. Fagskrifstofa grunnskóla hefur lagt mat á framlögð gögn og telur þau fullnægjandi. Umsögn skólaráðs Barnaskólans, dags. 30. apríl 2019, liggur fyrir en þar kemur fram að skólaráðið styðji ákvörðunina.

Nýr þjónustusamningur sem tekur gildi 10. júní 2019 og gildir til þriggja ára vegna kennslu á yngsta stigi hefur samþykktur af Hjallastefnunni Grunnskólum ehf. en samningurinn þarfnast staðfestingar Menntamálastofnunar. Samningurinn kveður á um að heimilt sé að greiða framlag vegna allt að 150 reykvískra nemenda í 1.- 4. bekk.

Í umsókn Hjallastefnunnar Grunnskóla ehf., um að bæta við miðstigi og hefja kennslu í 5. bekk á næsta skólaári, kemur fram að áætlað sé að nemendafjöldi á miðstigi skólans verði 18 nemendur skólaárið 2019-2020, 38 nemendur skólaárið 2020-2021 og 58 nemendur 2021-2022. Greitt var framlag vegna 90 reykvískra nemenda í Grunnskóla Hjallastefnunnar í apríl 2019.

Skv. fyrirbyggjandi gögnum á skóla- og frístundasviði er núverandi húsnæði Barnaskóla Hjallastefnunnar að Nauthólsvegi 87 samtals 2.263 m² og kennslurými þar fyrir rúmlega 250 börn. Skv. upplýsingum skólans er aðstaða og aðgengi í samræmi við lög og reglugerðir, mötuneyti til staðar og vinnuástaða fyrir starfsmenn. Íþróttáðstaða er í húsnæði Íþróttafélagsins Vals og sundkennsla fer fram í Laugardalslaug. Skólalóð er vel afmörkuð og afgirt og nánasta umhverfi skólans nýtt til útivistar og útináms.

Samkvæmt fyrirbyggjandi gögnum fullnægir húsnæði skólans, sem nýtt verður til kennslu á miðstigi, skilyrðum um lágmarksfjölda fermetra. pr. nemanda miðað við áætlaðan nemendafjölda

II Ákvæði grunnskólalaga og reglugerðar um sjálfstætt rekna grunnskóla

Skv. 1. mgr. 43. gr. a. laga um grunnskóla nr. 91/2008, með síðari breytingum, skal sveitarfélag sem skóli starfar í gera þjónustusamning um rekstur skólans við rekstraraðila. Samningur felur í sér samþykki sveitarfélags fyrir stofnun skólans, staðfestingu á rétti til fjárframlaga skv. 43. gr. b og skuldbindingu sveitarfélags um að hafa eftirlit með starfi hans. Skv. 3. mgr. 43. gr. a getur sveitarfélag hafnað því að gera þjónustusamning eða takmarkað hann við tiltekinn nemendafjölda, t.d. ef fjárframlögð til skólanna kunna að hafa neikvæð áhrif á skólastarf sveitarfélagsins sjálfs og fjárveitingar til þess. Skv. 2. mgr. 43. gr. a. skal Menntamálastofnun staðfesta þjónustusamningin, sbr. einnig 4.- 6. gr. reglugerðar nr. 1150/2018, um sjálfstætt rekna grunnskóla.

Skv. 43. gr. b. laga um grunnskóla nr. 91/2008 með síðari breytingum á sjálfstætt rekinn grunnskóli sem gert hefur þjónustusamning rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal framlagið nema að lágmarki 75% af vagnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur, en framlagið skal vera að lágmarki 70% fyrir hvern nemanda umfram þann fjölda.

Í 4. mgr. 6. gr. reglugerðar um sjálfstætt rekna grunnskóla nr. 1150/2018, um sjálfstætt rekna grunnskóla kemur fram að verði skólanum fundið annað húsnæði eða árgöngum fjölgað skuli rekstraraðili fyrst leita afstöðu viðkomandi sveitarfélags gagnvart slíkum breytingum sem leitar staðfestingar Menntamálastofnunar.

III Upplýsingar um fjárhagsleg áhrif

Áætlaður árlegur rekstrarkostnaður á hvern nemanda í grunnskólum, sem reknir eru af sveitarfélögum, var kr. 1.918.177 í apríl 2019. Miðað við að greitt sé 75% af þeirri fjárhæð er árlegur rekstrarkostnaður á hvern nemanda kr. 1.438.633.- (dreifist á 9 mánuði, sept-maí)

Fastur kostnaður Reykjavíkurborgar pr. nemanda er kr. 800.388,- Sá kostnaður fellur ekki niður ef laus pláss eru til staðar í grunnskólum Reykjavíkur.

Fjárhagsáætlun skóla- og frístundasviðs vegna framlaga til sjálfstætt rekinna grunnskóla miðast við nemendafjölda þeirra að hausti á rekstrarári á undan þ.e. október 2018 vegna fjárhagsáætlunar 2019. Skóla- og frístundasvið fær auknar fjárheimildir í samræmi við fjölgun/fækkun og verðlagsbreytingar framlags á fjárhagsárinu. Hækkun viðmiðs um hámarksfjölda skilar því ekki hækkun á fjárheimildum en eins og með magntölur í borgarreknum skólum þá er nemendafjölgun á fjárhagsári ávallt bætt.

Að öðru leyti er vísað til meðfylgjandi umsagnar fjármálaskrifstofu, dags. 3. júní 2019

IV Afgreiðsla málsins

Með vísan til framanritaðs gerir skóla –og frístundasvið ekki athugasemd við að Hjallastefnan Grunnskólar ehf hefji kennslu í 5. bekk frá og með skólaárinu 2019-2020. Þar sem þjónustusamningur Reykjavíkurborgar og skólans vegna framlags til hans miðar við að heimilt sé að greiða framlag vegna 60 reykvískra nemenda umfram þann fjölda sem greitt var framlag vegna á yfirstandandi skólaári er það mat skóla- og frístundasviðs að ekki sé tilefni til að gera breytingar á þjónustusamningi hvað varðar hámarksfjölda reykvískra nemenda sem heimilt er að greiða framlag vegna.

Fyrirvari er gerður um að Menntamálastofnun staðfesti heimild til kennslu í 5. bekk og að þjónustusamningur skólans við Reykjavíkurborg fái sömuleiðis staðfestingu Menntamálastofnunar.



Umsögn

Til: Sviðsstjóra skóla- og frístundasviðs

Frá: Sviðsstjóra fjármála- og áhættustýringarsviðs

Efni: Umsókn um leyfi fyrir skólastarfi á miðstigi við Barnaskóla Hjallastefnunnar í Reykjavík frá og með skólaárinu 2019-2020.

Sviðsstjóri skóla- og frístundasviðs hefur óskað eftir umsögn um umsókn Hjallastefnunnar Grunnskóla ehf. um leyfi fyrir skólastarfi á miðstigi frá og með skólaárinu 2019-2020.

Í umsókn Hjallastefnunnar Grunnskóla ehf. kemur fram að ástæða þess að sótt er um leyfi til að hefja kennslu í 5. bekk við skólann frá og með skólaárinu 2019-2020 sé mikill áhugi foreldra á því að börn þeirra haldi áfram námi við skólann að loknum 4. bekk og að mikill vilji sé hjá aðstandendum skólans að þróa skólastarf fyrir nemendur á miðstigi grunnskóla með þroska, vellíðan og námsárangur þeirra að leiðarljósi. Í umsókninni kemur fram að rekstur skólans sé traustur, að skólaþróun gangi vel og námsárangur sé góður. Fagskrifstofa grunnskóla hefur lagt mat á gögn með umsókn og telur þau fullnægjandi en beðið er umsagnar skólaráðs skólans sbr. 8. gr. laga nr. 91/2008.

Í umsókninni kemur fram að áætlað sé að nemendafjöldi á miðstigi skólans verði 18 nemendur skólaárið 2019-2020. Skv. fyrirbyggjandi gögnum fullnægir húsnæði skólans, sem nýtt verður til kennslu á miðstigi, skilyrðum um lágmarksfjölda fermetra pr. nemanda miðað við áætlaðan nemendafjölda.

Í bréfi sviðsstjóra skóla- og frístundasviðs til skóla- og frístundaráðs er vísað í 43. gr. laga um grunnskóla nr. 91/2008 þar sem kemur fram að sjálfstætt rekinn grunnskóli sem gert hefur þjónustusamning á rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal framlagið nema að lágmarki 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu skv. útreikningi Hagstofu Íslands. Kostnaður þessi var kr. 1.987.177 í apríl 2019. Ef miðað er við að greitt sé 75% af þeirri fjárhæð til sjálfstætt starfandi skóla þá er árlegur rekstrarkostnaður á hvern nemanda kr. 1.438.633 sem dreifist á 9 mánaða skólaár.

Umsögn:

Sé tekið mið af fyrirbyggjandi upplýsingum um meðalkostnað pr. barn í grunnskólum Reykjavíkur frá árinu 2017 og hann framreiknaður til ársins 2019 má gera ráð fyrir að hann sé kr. 1.904.086 hvert skólaár. Þar af er fastur kostnaður borgarinnar kr. 800.388 skv. upplýsingum sviðsins. Breytilegur kostnaður í borgarreknunum skólum nemur því sem eftir stendur eða kr. 1.103.698 pr. barn.

Áhrif á fjárheimildir sviðsins 2019

Burtséð frá því sem fram kemur hér að ofan þá er ekki vitað nákvæmlega hver endanlegur barnafjöldi verður í grunnskólum Reykjavíkurborgar í haust eða hvernig nemendur muni koma til með að skiptast á milli einkarekinna og borgarrekinna grunnskóla. Það er í því nauðsynlegt að gera ráð fyrir því að það þurfi að fjármagna að fullu þá fjölgun sem verður í grunnskóla Hjallastefnunnar að hausti eða skv. eftirfarandi:

Til fjármögnunar 2019	2019
Fjöldi nemenda	18
Kost. pr. nemanda	1.438.633
Samtals á ársgrundvelli	25.895.390
Kostnaður á haustönn 2019	11.509.062

*Halldóra Káradóttir,
sviðsstjóri fjármála- og áhættustýringarsviðs.*

ÞJÓNUSTUSAMNINGUR

Skóla- og frístundasvið Reykjavíkurborgar, kt. 530269-7609, hér eftir SFS og Hjallastefnan Grunnskólar ehf., kt. 550119-0210, vegna nemenda í 1. – 4. bekk Barnaskóla Hjallastefnunnar að Nauthólsvegi 87, Reykjavík, gera með sér eftirfarandi þjónustusamning um framlag vegna nemenda skólans sem eiga lögheimili í Reykjavík og fósturbarna ef fósturforeldrar eiga lögheimili í Reykjavík. Samningurinn gildir um rekstur grunnskóla en ekki rekstur frístundaheimilis.

1. gr. Skilyrði

Starfsemi og starfsaðstaða skólans skal á hverjum tíma vera í samræmi við gildandi lög um grunnskóla nr. 91/2008, með síðari breytingum og lög um menntun og ráðningu kennara og skólastjórnenda við leikskóla, grunnskóla og framhaldsskóla nr. 87/2008, með síðari breytingum, reglugerð nr. 1150/2018, um sjálfstætt rekna grunnskóla og önnur lög og reglugerðir sem gilda um starfsemi grunnskóla.

Réttindi og skyldur nemenda skulu vera í samræmi við gildandi grunnskólalög á hverjum tíma, reglugerðir settar samkvæmt þeim og aðalnámskrá grunnskóla.

Um framlagið samkvæmt samningi þessum gilda reglur Reykjavíkurborgar um styrki. Þess skal getið í kynningarefni skólans að hann njóti styrks frá Reykjavíkurborg, Skólanum ber að skila skóla- og frístundasviði kyngreindum gögnum um þá sem eftir atvikum veita eða njóta þjónustu eða gæða vegna styrkveitingarinnar.

Starfsfólk skólans skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.

Skólinn fylgir ákvæðum laga nr. 91/2008, um grunnskóla og ákvæðum stjórnsýslulaga nr. 37/1993 við töku ákvarðana sem eru kærarlegar skv. 47 gr. laga nr. 91/2008, um grunnskóla auk þess sem lög um upplýsingarétt nr. 140/2012 geta átt við um starfsemina.

Til samræmis við lög um grunnskóla ber skólanum að hafa skólanámskrá sem byggir á gildandi aðalnámskrá og ber að skila skóla- og frístundasviði starfsáætlun ár hvert samkvæmt reglum og viðmiðum sviðsins hverju sinni.

Skólinn fylgir ákvæðum laga um persónuvernd og vinnslu persónuupplýsinga nr. 90/2018 enda telst hann ábyrgðaraðili persónuupplýsinga vegna vinnslu þeirra í starfsemi skólans. Skólanum ber að tryggja að miðlun upplýsinga skv. samningi þessum til skóla- og frístundasviðs sé í samræmi við framangreind lög um persónuvernd og vinnslu persónuupplýsinga.



2.gr. Rekstrarframlag

Framlagið nemur 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur. Fjölgi nemendum umfram 200 nemur framlagið 70% af framangreindu vegnu meðaltali fyrir hvern nemanda umfram 200.

Greitt er framlag vegna allt að 150 nemenda.

Greiðslurnar taka breytingum til hækkunar eða lækkunar eftir útreikningum Hagstofunnar.

Framangreint framlag Reykjavíkurborgar við skólann, sem er framlag vegna reksturs skólans allt árið, verður greiddur með 9 greiðslum síðasta virka dag hvers mánaðar fyrir líðandi mánuð. Ekki er greitt mánuðina júní, júlí og ágúst. Framlagið miðast við fjölda nemenda í skólanum í yfirstandandi mánuði, sem eiga lögheimili í Reykjavík og nemendur sem eru fósturbörn, ef fósturforeldrar eiga lögheimili í Reykjavík. SFS krefur sveitarfélag sem ráðstafar barni í fóstur um kostnað vegna skólagöngu barns í fóstri hjá fósturforeldrum með lögheimili í Reykjavík.

Um greiðslu kostnaðar vegna stuðnings við nemendur með metnar sérþarfir og nemendur með annað móðurmál en íslensku er vísað til 6. og 7. gr. samningsins.

Skólanum ber að koma réttum upplýsingum um fjölda nemenda til SFS fyrir 5. dag hvers mánaðar til að hægt sé að greiða rétta fjárhæð í lok mánaðarins.

Skólanum er heimilt að taka nemendur í skólann sem ekki eiga lögheimili í Reykjavík en Reykjavíkurborg greiðir hvorki framlag né annan kostnað vegna þeirra.

Skólanum ber að skila til SFS starfsáætlun, þ.m.t. upplýsingum um fjölda nemenda á komandi skólaári, eigi síðar en 1. maí ár hvert. Listi yfir nemendur sem stunda nám í skólanum í ágústlok skal sendur SFS eigi síðar en 1. september. Skólanum er jafnframt skylt að veita sviðinu aðgang að nemendaskrá og upplýsingar um innritaða nemendur þegar þess er óskað.

Skólanum er heimilt að óska eftir breytingu á viðmiði um fjölda nemenda sem greitt er framlag vegna ef sýnt er fram á að fjölgun nemenda verði umfram framangreindan hámarksfjölda nemenda í 1. mgr. 2.gr. samnings þessa. Umsókn skal berast með starfsáætlun eigi síðar en 1. maí ár hvert. Skal ákvörðun Reykjavíkurborgar vegna beiðni um breytingu á viðmiði liggja fyrir eins fljótt og auðið er og eigi síðar en 10. júní.

Rekstrarafgang af starfsemi skólans, sem rekja má til opinberra fjárveitinga, skal nýta til að efla skólastarfið. Í ársskýrslu skólans til Reykjavíkurborgar skal gerð grein fyrir því hvernig framangreindur rekstrarafgangur er metinn og hvernig honum er varið.

3. gr. Gjaldtaka

Skólanum er heimilt að taka gjald af foreldrum vegna kennslu og skólamáltíða.



4. gr.

Innritun nemenda

Skólanum ber að setja sér reglur um innritun nemenda sem byggðar skulu á ákvæðum grunnskólalaga um skóla án aðgreiningar þar sem allir nemendur eiga sama rétt til að innrita í skólann án tillits til líkamlegs eða andlegs atgervis.

5. gr.

Sérfræðipjónusta

Skólinn á rétt á sömu sérfræðipjónustu og almennir grunnskólar frá þjónustumiðstöð Reykjavíkurborgar í því hverfi sem skólinn er staðsettur.

6. gr.

Stuðningur við nemendur með sérþarfir

Skólinn getur sótt um fjármagn vegna sérstaks stuðnings fyrir nemendur með metnar sérþarfir, samkvæmt reglum SFS á hverjum tíma. SFS greiðir 45% af úthlutaðri fjárhæð vegna haustannar fyrir 1. nóvember og 55% vegna vorannar fyrir 1. apríl. Þarfnist nemandi með lögheimili utan Reykjavíkur sérstakrar aðstoðar eða aukins stuðnings semur skólinn sérstaklega um viðbótargreiðslur við viðkomandi sveitarfélag.

7. gr.

Nemendur með annað móðurmál en íslensku

Skólinn getur sótt um úthlutun fjármagns samkvæmt reglum SFS á hverjum tíma vegna kennslu í íslensku fyrir nemendur af erlendum uppruna sem eiga lögheimili í Reykjavík. Um kostnað vegna kennslu í íslensku fyrir nemendur af erlendum uppruna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.

8. gr.

Upplýsingar, mat og eftirlit


Skólinn skal lúta sama eftirliti með innra starfi og aðrir grunnskólar í Reykjavík. Þeir skulu framkvæma innra mat með því að meta með kerfisbundnum hætti árangur og gæði skólastarfsins með virkri þátttöku starfsmanna, nemenda og foreldra eftir því sem við á. Skólanum ber að birta á heimasíðu sinni upplýsingar um innra mat, tengsl þess við skólanámskrá og áætlanir um umbætur.

SFS framkvæmir ytra mat og ber skólanum að láta sviðinu í té allar upplýsingar sem nauðsynlegar eru til að framkvæma matið og til að sinna að öðru leyti eftirlitsskyldu sinni.

Við undirritun samnings þessa liggur skólanámskrá skólans fyrir. Skólustjóra er skylt að endurskoða skólanámskrána reglulega og leggja hana fyrir skóla- og frístundaráð til staðfestingar.

Starfsáætlun skólans fyrir komandi skólaár skal send skóla- og frístundaráði til staðfestingar fyrir 1. maí ár hvert.

9. gr. Ársskýrsla



Skólinn skal skila ársskýrslu ásamt endurskoðuðum ársreikningi til SFS fyrir 1. maí ár hvert fyrir liðið fjárhagsár.

10. gr.

Fundir og námskeið fyrir skólastjórnendur

SFS skal upplýsa og bjóða stjórnendum skólans á reglubundna fundi sem yfirstjórn SFS heldur með skólastjórnendum í Reykjavík. Jafnframt skal bjóða stjórnendum skólans að sækja námskeið á vegum SFS gegn greiðslu kostnaðar.

11. gr.

Endurskoðun samnings

Ef upp koma breytingar í starfsumhverfi viðurkenndra grunnskóla sem reknir eru af öðrum en Reykjavíkurborg er samningsaðilum heimilt að óska eftir endurskoðun samningsins með tilliti til þeirra.

12. gr.

Framsal

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

13. gr.

Force Majeure

Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

14. gr.

Gildistími og uppsögn

Samningurinn tekur gildi 10. júní 2019. Samningurinn gildir til þriggja ára og fellur brott án uppsagnar að þeim tíma liðnum. Litið er svo á að samningur aðila dags. 20. október 2015 hafi haldið gildi sínu fram að gildistöku þessa samnings. Gerður er fyrirvari af hálfu Reykjavíkurborgar um að fjárveitingar SFS eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins. Þjónustusamningur þessi er uppsegjanlegur af hálfu beggja aðila með eins árs fyrirvara.

15. gr.

Endurkrafa á ofgreiddu framlagi og vanefndir

Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til skólans við næstu greiðslu sem því nemur eða krefjast endurgreiðslu. Skólinn getur óskað eftir að endurgreiðslu verði skipt á þrjá mánuði.

Komi til vanefnda af hálfu annars hvors aðila samnings þessa er hinum aðilanum heimilt að grípa til viðeigandi vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.

16. gr
Fyrirvari um staðfestingu á þjónustusamningi
Afturköllun staðfestingar

Samningur þessi er gerður með fyrirvara um staðfestingu Menntamálastofnunar, sbr. 2. mgr. 43. gr. a. laga nr. 91/2008 og 4.-6. gr. reglugerðar nr. 1150/2018, um sjálfstætt rekna grunnskóla.

Afturkalli Menntamálastofnun staðfestingu sína á þjónustusamningi þessum fellur samningurinn úr gildi án uppsagnar.

17. gr.
Varnarþing

Komi til þess að mál verði höfðað vegna ágreinings um samning þennan skal það rekið fyrir héraðsdómi Reykjavíkur.

18. gr.
Undirritun



Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.

Reykjavík, 13. maí 2019


F.h. Skóla - frístundasviðs Reykjavíkurborgar


F.h. Hjallastefnunnar Grunnskóla ehf.

Vottar að réttri dagsetningu, undirritunum og yfirlýsingu aðila um fjárræði sitt:

kl. 250557.4349

240467-4619

Fylgiskjal: Reglur Reykjavíkurborgar um styrki

8 Fylgiskjöl

8.1 Fylgiskjal 1 - Reglur Reykjavíkurborgar um styrkveitingar

Reglur Reykjavíkurborgar um styrki - samþykktar í borgarráði 25.maí 2017

Reglur Reykjavíkurborgar um styrki

1. kafli. *Markmið.*

1. gr.

Reykjavíkurborg veitir ár hvert félagasamtökum, fyrirtækjum og einstaklingum styrki til starfsemi og þjónustu sem fellur að hlutverki sveitarfélagsins eða telst á annan hátt í samræmi við stefnumörkun, áherslur og forgangsröðun borgaryfirvalda.

2. gr.

Markmiðið með styrkjum borgaryfirvalda er að styðja við sjálfsprottið starf, starfsemi frjálsra félagasamtaka og framtak einstaklinga sem stuðla að farsælli þróun borgarsamfélagsins, lífsgæðum og fjölbreytilegu mannlífi.

3. gr.

Með styrkjum skal leitast við að styrkja og efna til samstarfs á grundvelli samninga (styrksamninga, samstarfssamninga, þjónustusamninga) um uppbyggilega starfsemi og þjónustu í samræmi við áherslur og forgangsröðun borgaryfirvalda. Styrkir geta verið hvort sem er til einstakra verkefna eða rekstrar. Hvorki eru veittir styrkir til kaupa á húsnæði né sérstaklega til greiðslu fasteignaskatts.

2. kafli. *Ábyrgð.*

4. gr.

Borgarráð mótar almenna stefnu í styrkjamálum Reykjavíkurborgar og ákveður borgarstjórn við gerð fjárhagsáætlunar árleg framlög til styrkja. Borgarráð getur ár hvert samþykkt sérstakt áherslusvið í styrkveitingum næsta árs og ætlað fjármagn til styrkja á því sviði af styrkjalið borgarráðs.

Borgarráð fer með úthlutun styrkja, og gerð langtímasamninga, sem falla utan við verksvið fagnefnda borgarinnar. (Borgarráð getur þó falið einstökum nefndum að annast eftirlit og framkvæmd slíkra samninga.)

5. gr.

Fagnefndir Reykjavíkurborgar bera ábyrgð á meðferð styrkumsókna á sínu sviði, úthlutun styrkja og gerð samninga í umboði borgarráðs.

Einstaka fagnefndir skulu gera samþykkt um málefnaleg markmið og vinnulag í tengslum við úthlutun styrkja og samninga. Samþykktirnar skulu lagðar fyrir borgarráð til staðfestingar.

6.gr.

Skrifstofa borgarstjórnar fer með ábyrgð á umsjón styrkjamála miðlægt og styrkumsóknum sem koma til afgreiðslu borgarráðs. Í því felst m.a. móttaka styrkumsókna, skráning, flokkun og vísun til fagnefnda, gerð heildaryfirlita og árleg auglýsing ásamt umsóknar- og kynningarefni á vef Reykjavíkurborgar.

3. kafli. Meðferð og afgreiðsla umsókna og styrkja

7.gr.

Við meðferð og mat á umsóknum skal viðhafa góða stjórnsýsluhætti, gagnsæi og vönduð vinnubrögð.

Meginreglan skal vera sú að þær umsóknir einar séu gildar sem berast innan tilsetts umsóknarfrests og uppfylla þær kröfur sem gerðar eru í auglýsingu.

8. gr.

Auglýst skal fyrir 1. september ár hvert eftir almennum umsóknum um styrki til Reykjavíkurborgar. Við það skal miðað að frestur til að skila inn umsóknum einn mánuður og úthlutun nefnda og ráða sé lokið í árslok. Í auglýsingu skulu koma fram upplýsingar um umsóknarfrest, forsendur styrkveitinga og nauðsynleg fylgigögn, auk annarra hagnýtra upplýsinga. Þá skal koma fram í auglýsingu að styrkveiting feli í sér að umsækjendur undirgangist ákvæði reglna Reykjavíkurborgar um styrki

9. gr.

Umsóknum skal skilað á þar til gerðum eyðublaðum sem skulu vera aðgengileg á vef Reykjavíkurborgar www.reykjavik.is og á stofnunum borgarinnar.

Auk almennra upplýsinga um umsækjanda skulu eftirfarandi upplýsingar koma fram í umsókn:

- Markmið verkefnis eða starfsemi
- Tíma- og verkáætlun.
- Önnur fjármögnun verkefnis eða starfsemi og gögn því til stuðnings
- Aðrar upplýsingar, ef við á.
- Hafi umsækjendur áður fengið styrki skulu liggja fyrir skilagreinar um nýtingu fyrri styrkja.

10.gr.

Umsóknir skulu metnar með hliðsjón af a) markmiðum sem lýst er og hvort líklegt sé að þeim verði náð; b) hvort verk- og tímaáætlun sé raunhæf; c) hvort unnt sé að meta framvindu verksins; d) hvort skilagreinar og fyrri verkefni sem styrk hafa hlotið uppfylli lágmarkskröfur; e) væntanlegum árangri og ávinningi fyrir umrædda starfsemi f) fjárhagsáætlun og greinargerð um aðra fjármögnun sem einnig skal fylgja umsókn g) því hve vel þær falli að mannréttindastefnu Reykjavíkurborgar og markmiðum um innleiðingu á kynjaðri fjárhags- og starfsáætlun.

Styrkþegum er skylt að skila greinargerð um ráðstöfun styrkfjár fyrir lok ráðstöfunarárs. Greinargerðinni skal skilað á sérstöku eyðublaði sem er aðgengilegt á www.reykjavik.is og hjá stofnunum borgarinnar.

Þeir sem njóta styrkja borgarinnar skulu skila hlutaðeigandi styrkveitanda á vegum borgarinnar (borgarráði eða fagráði) kyngreindum gögnum um þá sem eftir atvikum veita eða njóta tiltekinnar þjónustu eða gæða vegna styrkveitingarinnar skv. nánari reglum hér á eftir. Sama gildir um þá aðila sem fá framlög frá borgarsjóði á grundvelli samstarfs- eða þjónustusamninga.

11. gr.

Framkvæmdastjórar fagnefnda leggja umsóknir fyrir nefndir með rökstuddri tillögu um afgreiðslu á grundvelli samþykkrtra markmiða og vinnulags viðkomandi nefndar.

Skrifstofustjóri borgarstjórnar annast meðferð þeirra umsókna sem koma til afgreiðslu borgarráðs og leggur rökstuddar tillögur fyrir ráðið. Ef stuðst er við umsagnir undirnefnda eða ráðgefandi aðila skulu þær umsagnir jafnframt lagðar fram.

Tilkynna skal öllum umsækjendum skriflega um afgreiðslu styrkumsóknar og hvenær styrkur kemur til greiðslu, ef hann er veittur.

12. gr.

Styrkveiting gildir fyrir næsta fjárhagsár. Viðburðir eða verkefni eru ekki styrkt eftir á.

Styrkveiting felur ekki í sér fyrirheit um frekari skuldbindingar af hálfu Reykjavíkurborgar nema gerður sé sérstakur samningur þess efnis.

Nefndir skulu leggja styrkjasamninga, sem taka til lengri tíma en eins árs fyrir borgarráð til samþykktar.

13. gr.

Reykjavíkurborg áskilur sér rétt til að rifta samningum, afturkalla styrkloforð og/eða krefjast endurgreiðslu ef sannanlega er um forsendubrest eða vanefndir að ræða af hálfu styrkþega.

14. gr.

Að jafnaði skulu styrkir allt að 1 m.kr. greiddir í einu lagi, styrkir á bilinu 1-2 m.kr. í tvennu lagi, styrkir á bilinu 2-3 m.kr. í þrennu lagi, en hærri styrkir ársfjórðungslega. Sama gildir um greiðslur vegna styrkjasamninga. Greiðslur fara fram 16.-18. mars, júní, september og desember.

15.gr.

Fagnefndir skulu leggja yfirlit veittra styrkja fyrir borgarráð til kynningar eins fljótt og auðið er. Þær annast jafnframt almenna kynningu á styrkveitingum hver á sínu sviði.

16.gr.

Styrkþegar skulu gera grein fyrir því í árslok hvernig styrkfé hefur verið varið.

Framlög Reykjavíkurborgar sem veitt eru í formi aðstöðu og/eða húsnæðis skuli metin skv. reiknireglum borgarinnar um innri leigu og gerð grein fyrir þeim ásamt öðrum styrkjum á viðkomandi starfsári.

Þeir aðilar sem njóta styrkja frá Reykjavíkurborg skulu láta þess getið í kynningarefni sínu.

4. kafli. Gildistaka

17. gr.

Reglur þessar svo breyttar taka gildi frá og með samþykkt í borgarráði 25.maí 2017 og falla þá úr gildi eldri reglur samþykktar af borgarráði.